



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六二九

碧螺山館詩鈔八卷 金 蘭 撰

一

寥天一齋文稿一卷寥天一齋詩稿一卷 歐陽兆熊 撰

六七

小鷗波館詩鈔十二卷小鷗波館詩補錄二卷小鷗波館詞鈔一卷 潘曾瑩 撰

八七

賜錦堂經進文鈔一卷小鷗波館文鈔二卷小鷗波館駢體文鈔一卷 潘曾瑩 撰

一八一

古懽齋文錄四卷附江西藝文志例言 朱 齡 撰

二六三

漱六山房全集十一卷 吳昆田 撰

三四九

西圃集二十四卷（詩集十卷詩續集四卷詩集補遺一卷詞續一卷詞三續

一卷題畫詩一卷題畫詩續一卷文集四卷文集補遺一卷） 潘遵祁 撰

五四五

白石山館詩鈔
咸豐六年冬月 寫於山館

郡西馬先兩筆洞有碧螺山馬仙名清
山麓為窈窕如木所瑟靜然其境也郡志
所不載惟字所不到以之名城中人不能知
者十八九余登先大夫葬相地西山志多
常一正其交治今上恍惚不及憶也其
中自誤余女夫碑元為其子以文詩示余
皇甫村正移吳中暇某什詩有云余難

以為性結治法以為質與縣崇以為詞
且是考之失吳中多詩人而訪如君亦不
觀余於其手如知君之工詩又因君而如
有清勝以之勝也夫泊洋太湖中一小山耳
先年之志亦非却却至其處比自青始上
而天下莫不知有泊洋表筆推則其
所以甘其甘而君手
咸豐六年五月月里人寫於山館

東 離 采 軒 圖

碧螺先生屬

畫思



東瞻堯峰南墜具區景物秀
野隱君所廬鍵關卻掃仰屋
著書攘棄佛老狂瀾手扶道
藝韞積簪環土苴烏序是爲
木石之樸山澤之癯

長洲王頌蔚謹贊

碧螺山館詩鈔卷一

吳縣金 蘭子春

家在

嬖娼風月詩千首頻仰乾坤酒一尊家在堯峯西四里
雙橋花柳寺崙邨句用

曉起

邨居泯眾聞膠覺天已曉披衣拂幽局紅日絢林杪不
知夜雨過滿地生春艸微風颭落花晴光悅飛鳥遙望
湖中山一痕青未了

題畫

碧螺山館詩鈔 卷一

烟巒縹緲塔峻嶒花吟僧歸曳瘦藤絕侶虎山橋畔路
一隄秋柳半湖菱

滄浪亭散步家大人韻

城市擅幽勝鸞環十畝塘孤亭幾興廢流水自滄浪庭
竹夏涼雨澗花然夕陽徘徊未能去得句寫清防

訪顧丈承不值

踟躕來相訪高齋畫掩關聞君乘野艇禮佛到名山曉
起卽云往夜深猶未還後遊如可續三教願同攀

偕任明經丈 庚遊息園

曉雨歇殘滴烟光泣眾綠閒遊臻勝區吟賞陪耆宿石

寶呀狀閣水檻綠而曲幽軒大樹當新岸小橋橫嫩閣
戲徵陂攀夷媚晴旭豈期塵市中有此好林麓三閒天
爵堂插架富卷軸畫幃騰烟嵐詩牌瑩珠玉童移曬藥
牀客擁彈棊局居停果何修栖遲擅清福園林雖未深
點綴頗不俗古墓艸青青誰與薦蘭菊

中有妙嚴
公主墓

水閣夜坐懷楊處士

韞華

開閣坐遙夜曉此新涼天滅燭埃華月停琴聽流泉林
風一蕭瑟韶光久淪漣美人斷魚縈幽思何由宣

訪張孝廉文

茂勳不值

言尋隱君子低回艸堂側庭空一鳥吟門掩孤花寂惆

碧螺山館詩鈔

卷一

二

悵立松陰寒翠潑衣溼山徑白雲深行蹤何處覓

登穹窿上貞觀

入雲深復深得晤仙人觀自信已登顛誰知未及半

茅蓬陽

風吹松葉香涼翠滿衣裳眾叟鬧春雨四山圍夕陽撥
雲尋紺宇坐石聽青莊白足勤畱客茶烟颺竹房

邨居卽景

雨過林塘水氣昏烟郊一色綠無痕桑經采後重生葉
秧乍分來未活根黃犢逢人能讓路紅鵝歸柵自知門
眼弄景物皆吟料何必尋詩過別邨

夏日題王州倅

士熙

新居

小住女湖濱全家作隱淪桃源仙眷屬蓮土佛鄉鄰
淨蓮庵閣自題紅乙門常謝白申何勞覓升斗花藥足娛

親

地僻堪消暑牆東拒數弓亭喧機葉雨簾卷棗花風鄰
女來持掩家姬對麈融有時還獨酌冷吸碧荷筒

齋額篆書古楹聯楷法精餅饔哥定汝圖書宋元明屏
敞開雲母泉甘淪露兄故人來亦好置董與閒評

移榻坐深宵新涼透碧綃露花羞茉莉風葉顫芭蕉紫
述香初熟青翻韻已調羨君擅清福樂事愜昏朝

碧螺山館詩鈔

卷一

三

偶成

蔬圃未收枯莢豆簾棚猶賸敗藤瓜南莊日出北莊雨
蒼麥滿田開白花

栽衣曲

一幅冰雪欸製衣寄遼遠中有連理花遲遲不忍割

雪和沈學博丈

欽韓

大北臺韻

曉窗撒刺影纖纖弄晚紛拏勢轉嚴郭外有田皆種玉
門弄無樹不生鹽
木鹽生於
樹見本積圃晴地俄平砌斜點隨
風亂撲檐我但烹茶效陶穀竹鑪湯沸火頭尖
林端點點露栖雅院落翩翩舞鳳車冷翠壓低池上竹

暗香浮動嶺頭花
綸巾鶴氅神仙侶
錦帳羊羔富貴家
遙設藍關騎馬客
此時難辨路三叉

花朝喜晴

忽刺棘旬不甯止
綠病奄奄紅半死
連宵待月枉遲眠
幾度聽鶯空早起
早起今朝日漏光
晴報爛熳騰扶桑
花自無心作生日
天偏有意憐羣芳
羣芳向日如含笑
穉豔雖嬌爭炫耀
院落雙飛蝶使忙
樓臺一寸蜂臣鬧
蝶使蜂臣共戀花
園亭點染好韶華
琅琅樹底金鈴語
鴛鴦庭弄綵勝裘
金鈴綵勝遙相望
轉覺吟裘漸味暢
碧艾欣逢柳眼舒
紅朋歡對桃顚放
從此尋春春興饒

碧螺山館詩鈔

卷一

四

輿夫舟子相招要
蹋青南陌泥猶滑
拾翠西山溼已消
傾城士女紛遊玩
共喜天心合人願
寄語花姑好護持
莫教孤負東皇眷
忽聽枝頭好鳥啼
聲聲似勸客提壺
明朝社飲從田父
醉倒甯邨不用扶

春曉

丁紉歇宵雨
扉窗明曙霞
曉寒如撥水
春繆不離花
燈炮青檀暗
香殘碧篆斜
芻尼報何喜
啁啾噪檐牙

仲春遊元墓

欲訪名山屢爽期
今朝始得慰相思
路經東崦還西崦
春過南枝又北枝
蘭若偶同僧語久
梅花應笑客來遲

人閒事事多惆悵
不獨當年杜牧之

還元閣

王宋聯吟後
名隨閣竝高
風騷已陳迹
觴咏又吾曹
花氣霏香雪
松聲沸翠濤
摩挲舊詩版
未敢擅揮毫

過湖上別墅

幽築依巖麓
松扉畫亦扁
泉輪雙澗碧
山貢一樓青
竹露霑詩榻
茶烟黯畫屏
主人歸也未
近況問園丁

山齋卽事

窮閭寡輪輶
步道沒蒼蘚
清晨涼雨過
窗竹澗如洗
焚香手一編
世慮頓消遣
惜花徑未埽
凌山門不掩

碧螺山館詩鈔

卷一

五

過故人邨莊

山外青山邨
外邨雙雙露
卯破涖痕滿
園桑葉綠圍
屋一路菜花黃
到門日暮開
軒面場圃年
豐畱客足
雞豚隔籬啼
取東鄰叟
團坐同傾老瓦盆

支硎山

臨湖擅名勝
遊展日紛紛
曲磴盤雲上
寒泉隔竹聞
尋碑捫翠壁
禮佛雜紅裙
恨未窮幽討
西山已夕曛

白雲精舍題壁

曲檻回廊接翠屏
流泉聲裏敬禪局
雲分上下中層白
山繞東西北面青
竹徑泥鬆拙玉版
花坪風動語金鈴

今年準擬來消夏七尺藜牀一卷經

園居卽事

小結三閒屋還餘地半弓種梅鉏夜月刪竹斫秋風自得蕭疏致何須點染工連朝天不雨忙殺灌園翁

石湖懷古

長橋疏柳晚烟昏名勝千秋迹尚存紅袖吹簫姜白石青山蕚骨願黃門行宮鴛瓦葦瓜蔓殘碣龜趺臥樹根幾輩鄉賢尚祠廟誰攜椒酒與招魂

半塘橋晚泊寄茶磨山人

一篙碧浪泛青鳧繫纜橋邊月上初七里塘行三里半

碧螺山館詩鈔

卷一

六

十分春過五分餘烟花世界詩難稱金粉樓臺畫不如何處漁莊抱寒綠明朝攜酒訪幽居

登海湧峯

青翰連朝載酒遊尋幽還上碧山頭荒涼佛火雲中寺隱約笙歌水面樓花鳥已非吳歲月園亭猶有晉風流香車寶馬無相識獨倚危闌豁遠眸

胥江道中

一岸青山迎一岸青山送疏鐘晚市昏細雨春帆重轉曠抵橫塘仙陀聞梵誦薄醉倚蓬窗烟波溼詩襟

晚晴

雨餘林寂晚烟昏石鼃沈谿水半渾柳絮白鋪湖上路桃花紅過寺埭邨養魚池漫築圍岸放鴨船歸撐到門無限吟情消不盡茅檐新月照開尊

雨後泊舟光福

十里湖光鏡展匳蓬窗雨過晚風恬溼雲猶壓亂山頂返照忽明孤塔尖邨陽樹深藏紺宇市橋花缺露青帘尋詩沽酒頻登岸贏得苔痕屐齒黏

重過東庵艸堂

重到雲深處峯巒覺愈奇泉聲訇竹陽山影涵荷池北海尊猶在南窗榻已移卜鄰空有約愧乏艸堂貲

碧螺山館詩鈔

卷一

七

迂里

水埭高低石徑斜養蠶時節靜無譁綠陰門巷疏疏雨落盡牆頭阜莢花

種秧詞

紅蠶作繭麥登場四月鄉村戶戶忙農事今年齊趨早野黃梅裏種青秧吾鄉夏至前有雨謂野黃梅

冷雨淋頭水沒跣笠檐蓑袂溼模餽農家種得金釵糲春酒明年不用沽

題匡廬圖

縣崖溼翠凝飛瀑寒光逼乍日過廬山已有半面識

次韻酬沈淵

自笑虞翻骨相寒丹霄妄擬試霜翰隨人雞犬飛升易
失水魚龍變化難郊島未逢韓吏部風騷誰許鄭都官
石湖烟雨葑谿月端合同君理釣竿

增贈詩

沈淵少愚

悲歌所地劍光寒擬向秋風振羽翰萬里輪蹄求及
切九重宮闕上書難驚人虛有千言賦奉檄偏難
一命官真是升沈關氣類江湖隨地老漁竿

久雨喜晴咏沈師鑑韻

忽見癡雲四散飛當窗漸露遠山微一聲嘯鳥日光出

碧螺山館詩鈔

卷一

八

滿地落花人迹稀雉尾牽風葦菜滑貓頭抽土筍芽肥
林塘昨夜添新漲失卻門前釣月磯

贈楊鑑華

雖狀在城市句終歲幾人逢茅屋有佳趣布衣無愧容
詩名齊短李畫筆擅長松誰道嵇康懶登山興獨濃時

遊西山

皋峯晉慶寺贈息凡上人支三

路隨山澗曲雲到寺門深竹院團青靄松龕罩綠陰新
琴磬放鹿舊帖辨來禽上人善琴指點一池水激虛見

道心

荻港夜泊

荻葦晚蕭森停橈夕照沈殘螢耿遙岸病鶻寒林邨
酒聊酣飲鄰船厭苦吟鐘聲何處寺明日快登臨

小園卽目

雙雙乳鴿啄秋花落園扉晝不開鄰園絲瓜羊眼豆
一齊牽過短牆來

三十述懷并題小影

學書學劍兩無成卅度營花轉眼更久矣張充期悔過
依朕王掾未知名聊從鴻爪搜陳迹時自編拙詩莫向牛虻

問去程天與清閒原是福何須故作不平鳴

碧螺山館詩鈔

卷一

九

最是親恩罔極深顯揚有願力難任權將菽水承歡志
當作文章報國心紫誥未能邀寵錫白華且喜得
長吟薄田自足供甘旨升斗何勞更遠尋

同庚萊婦縈操勞鏡裏驚看鬢漸凋釵有霜時容我拔
眉無暇日替卿描袞衣爭奈溫經嬾左女偏憐學語嬌

此後向平多俗累妝樓鐙火絮深宵

此身位置合林泉獨坐雲根手一編獻賦未逢楊狗監
寫生偏遇李龍眠圖爲李龍眠所寫世無知我憑誰認貌不驚人
只自憐諄屬交遊但題畫莫因初度祝長年

訪顧茂才鳳聲

腳脚踢寒翠言尋池上邨主人出迎客明月恰當門聚
訟評詩卷分曹角酒尊君家夜何短閒話忽朝暉

泛舟何山下登尼庵小憩

尋幽雨亦佳一舸泛春水沿隄百餘家家烟翠裏種
柳各當門鷺蔬互成市繫纜上句廉落泥滑芒履方墳
翳叢薄靈構頽清泚雞腔綠植欒鹿蔥紅旂旋勞彼除
謹女咄嗟辦槃匱菜菹薦孟孃筍根覓穉子黎祈滑流
匙寬焦香淡齒伊蒲既精妙皋盧復甘美只惜夕梵喧
催客聲聒耳出門尋歸艇燈火明蓬底

登天平山

碧螺山館詩鈔

卷一

斗

東辭芋雄峯西陟天平嶺探奇興未窮登山路已盡林
扉陡開張藻構殊幽迴厓燈瀆落斑礪泉浴峯影花壓
白題斜雲裏碧芬冷上攀樓三層遠攬湖千頃客吟口
號詩僧淪頭緇茗香臺謝世情禪理入詩境激觀心益
空孤坐意彌永落日憺忘歸臨風發深省

石湖訪陳世昌不值登治平寺

孟公讀書處聞在石湖濱歷問數樵客皆言無此人雲
蒸山路溼花釀寺門春竹院逢開士茶栢話潯因

暮歸

行行復住住一路翠微閒殘月已晴水夕陽猶在山竹

豚竄茅徑花鴨吠柴關忽遇樵蘇侶長歌送我還

谿館夜坐懷徐筠

晚雨破殘暑暗涼薦虛幌竹裏溼烟收松閒明月上既
欣天宇敞復喜地位敞谿館獨徘徊回石闌頻頻仰潛鱗
一跳躍流光久蕩漾風來早桂馨露滴枯荷響覽物眷
彌深懷人心益快之子阻川原翹首發遐想

遊皋峯李木陽海會庵

吳王舊迹久淪亡晉代猶遺選佛場按周玘碑記庵爲
支道林建其地相
傳吳王種菜有僧組廢園淪茶無客話閒房雲端雙澗
咽寒濕雨外一峯明夕陽巖壑句畱歸路晚弄邨燈火

碧螺山館詩鈔

卷一

十

漏頽牆

辛丑十一月二十八日芝兒生

一帆風雪返柴荆時自郡城歸喜聽呱呱震戶聲八字但祈

無破敗百年遑問有功名癡聾未必仍如父睂目看來

畧似兄多謝親朋又相賀不須更祝躡肩生陳眉公贊
人生子詩

有佳兒從此
躡肩來之句

雪

荒邨風雪日交加白屋炊烟有幾家天意似憐寒士苦
連番吹落木棉花

怨別行

郎去無歸期妾思何能已郎縱不思儂亦當思故里

谿上

小葑谿上獨徘徊回不惜青鞵損綠苔潑刺老魚戲稱水
浪紋圓到岸邊來

題葉處士樹收改吟齋詩鈔寄徐太史

達源

布衣潦倒老巖阿痛哭淋漓雜歌畢世困窮偏咽蘊
半生心血盡吟哦人因真率難諧俗詩得流傳不在多
爲問同鄉徐孺子篋中著述近如何

春泛

南谿買梁麗載我苦吟身水漲過橋礙灣多轉楫頻濃

碧螺山館詩鈔

卷一

三

雲千嶂夕細雨一帆春悵望前途遠栖栖獨問津

訪高雲遠不值

短行橫谿小徑斜昔曾來處路非差綠楊門巷都相似
誰是高三十五家

鳳巢

一路踟危石槃槃入翠微竹喧涼雨到松冥暮雲歸花
片落禪榻苔痕上佛衣似聞貢公子曉此欲飯依

功甫

舍人

飛泉陽

泉飛眾壑喧日睨半山暗覓路出深林白雲忽遮斷其

雲陽

登陸墓山

彌擢白洋灣林巒在指顧起高扶鐵君重英莽回互碧
巖滑落泥青句溼艸露言尋金沙庵祇廬韜薄霧山以
雲公名梁侍郎陸雲俗稱士龍墓遺像已難辨圖經亦
沿誤雨淋與十娘自古多虛附一讀張公碑是非髣髴
悟張世偉金沙庵桑門遇故知茗盃話情縈不談杜撰
禪頗有詩人趣花宮任冥搜竹院恣幽步嬾嬾渡石梁
槃旋下山路回睇峯顚雲不信曾行處取徑蓬茅中又
到幻住去

碧螺山館詩鈔

卷一

三

幻住庵

鳥聲隔空翠堯峯鐘已定精藍孕禪阿峇行閣巖燈林
磬入清鯤泉韻答佳聽維摩病未瘳無生共誰證殘義
匿西岵步履尋歸徑片片白雲還人語烟蘿冥

靈巖山館

青青薜荔絡圍牆石馬無聲臥夕陽昨日謝墩枉爭奪
早時蔣徑亦荒涼券臺鬼影冠裳肅栗主官銜姓氏光
猶有殘僧爲守戶瀹茶畱客話興亡

端園

複道重夢曲折通廡廡掩映翠玲瓏壁間徧覽地符石

雲外忽聞天聖銅花館環山圍野綠竹鑑受雨煮渠紅
不知誰是園林主沒字碑橫碧艸中

小園

小園半晦菊池塘有客朝朝抱轡忙蘆葦花開筍成竹
又攜雅策種瓜秧

歸雲山莊

原名漏霜庵中有南潛禪師殘墨塔

遙指雲歸處英英半晦莊荒池湛寒碧古冢竄刁黃塔
尚畱殘墨庵誰問漏霜煮茶容小憩遺迹感滄桑

雲隱山房

山盡疑無路雲開別有天丹臺瞻呂祖碧殿祀張仙窗

碧螺山館詩鈔

卷一

古

竹公孫列籬花姊妹聯吟遊饒粉黛點染好林泉

修到

修到神仙尚雉經內書安誕此明徵自家性命猶難保

雞犬何由得上升

修到臺城索密時老公志自不更移遙知餒鬼重泉下

猶向西方禮導師

送春

東君未識欲何之聊向花閒餞一卮來自無蹤去無迹

年年賺我送行詩

碧螺山館詩鈔卷二

吳縣金 蘭子春

田家雜詩

少小無宦情躬耕太湖曲營茲五畝莊棘蒿數閒屋隙
地栽瓜蔬沿牆樹桑竹年穀黍常豐衣食賴足足荒邨
少歷日節氣看艸木時隨數鄰老邨口閒眺矚杏花日
已紅蒲葉日已綠忽聽柳陰中聲聲曉布穀東作貴及
時歸來驅黃犢生長爲農民一心在栽粟勿目外來情
擾我平生欲

迦師乍登場愛子亦抽絲擇日開秧園豚酒祀太耜朝

碧螺山館詩鈔

卷二

一

攜蓋磨往夕肩渠挈歸遠風交拂拂驕陽正遲遲平疇
時雨過良苗如解頤田家終歲勤第一在茲時汗珠任
紛流力作遠知疲如此歷苦辛常恐寒與飢失時而不
耕凍餒將怨誰

木葉彫餘霜寒氣漸慘慄全家集隴畔夫妻共子姪今
日議收秔明日議收秔荷擔越阡陌來往紛如織掉花
喧深宵曬穀趁晴日黍獲非所覯舊已貴有極上輸官
稅清下償私債畢婦女無怨聲僮穉有喜色

賦稅早輸官如身釋重負門無剝啄聲歡樂到雞狗紅
日照茅檐曝背同鄰叟土性論肥瘠牛相分好醜慮及

生口餘意欲廣田疇鄰叟殊曠達向我細分割田園不在多子孫貴能守

白牡丹

一枝冷豔露凝香百五花開冠洛陽富貴最難饒本色娉婷原不在濃妝惟將潔操酬青帝若果崇封合樂王誰買臙脂工寫照袁紅左紫總尋常

雨窗雜感

十天空濛雨散絲天將陰過海棠時人因夜短眠思早裘爲春寒脫較遲有病怕嘗新釀酒無聊重改舊吟詩連朝塵鏡慵開匣瘦減容光不自知

碧螺山館詩鈔

卷二

谿上卽目

一聲潑刺浪紋麤無數游魚戲綠蒲恰有甯滬船隻過网竿夾得菜花鱸牧豎成羣戲水涯摸魚射鴨更撈蝦放青牛逸過橋去喫白一畦蠶豆花

春盡日病起偶成

九十韶光逐逝波樊川心事又蹉跎杖頭嘯鳥不會住風外落花如許多兩月未來門外步一春都向病中過無端喚取廚孃問饔裏黃齋有幾何

過黛湖

黃梅雨歇路猶滑滑喚隻小船划過橋十里烟痕青不斷慈姑葉與荇薺苗

湖邨卽景

漁莊蟹舍自家家柳岸彎環水一涯好幅徐熙新畫稿紅蜻蜓立白蘋花

過湘花館贈黃鞠

瀟灑湘花館軒窗敞綠陰琴尊誘裙屐城市習山林畫品一峯秀詩源雙井深君家家學好野鶩莫畱心

七夕宿清真觀

竹浪名鳴秋暑氣清聯吟石鼎坐深更風吹殿角金鈴

碧螺山館詩鈔

卷二

三

語疑是天孫解珮聲

宋徽宗龍吟琴歌爲樊景垣作

桐窗風靜鑑煙細主人解囊出雅器金徽玉軫光熊熊滿堂動色驚神異摩挲背字鐫龍吟銘辭如頌還如箴知是宣和尚方物令我裏古情彌深緬昔道君初受冊奇珍秘阮耽成癖蔡京審鑒標圖書朱勔搜羅貢花石更選名材到嶧陽百琴進御皆精良此琴母乃百之一會與春雷相頡頏君王才調原天縱新樂編成日絃誦良嶽峯頭時一彈太清樓上閒三弄換羽移宮興未窮北來烽火何恩恩九成鐘鼎悲殘劫五國風霜嘆轉蓬

時移事往滄桑改，槁梧未共金甌碎。嘯雨吟雲久不聞，
潛隱泥涂七百載。攜向花間試一鳴，如何聲調偏淒清。
平沙無人塞雁落，恍疑身在龍庭行。曲罷主人頻歎息，
囊中重緘空珍惜。入聽誰憐燄火餘，賞音敢向風塵覓。
今日重華協，聖明勸君抱此獻。丹宸南薰一曲，
當風奏解慍。阜財樂萬民。琴銘有南風一曲
物阜民康等語

邨居雜興

兩岸花明柳暗，一樓山色湖光。橋東橋西酒店，谿南谿
北漁莊。

花徑不啼童婦，蓬門時爲客開。雲谿醉候乍去，煙波釣

碧螺山館詩鈔

卷二

四

徒又來

醉月吟風臥雪洗，桐種竹澆花修得清閒。福分作此冷
淡生涯。

芋圃薑塍產業瓜，朋儕友交親世居黃葉。邨舍自號碧

螺山人

重遊無隱庵

霏霏烟翠撲衣涼，步履重尋古道場。丹度恰逢梅子熟，
今來聞得木犀香。雞籠雨過青排闥，貓竹風敲綠嘯牆。
坐與僧伽談往事，禪家興廢亦無常。

寄李茂才

文通
吳江

小別胥江歲又闌，竭來旅況可平安。欲謀活計知非易，
稍得詩名已大難。狗監偶沾遺賦客，鱸鄉會見築詞壇。
綠舫早晚乘風到，好共聯吟釣雪灘。

太湖晚歸

一櫂綠波中，歸帆飽北風。雨餘千嶂碧，日落半湖紅。壯
志隨流水，浮生若轉蓬。閒鷗應笑我，往返竟何功。

題陳忠愍公化城遺像

匹馬南來埽海氛，如公義勇古稀聞。衝鋒縱未生擒賊，
裹革終能死報君。一木固難支大厦，九原猶自望援
軍。披圖想見吳淞口，般氣今還遏陣雲。

碧螺山館詩鈔

卷二

五

歲暮感懷寄顧鳳聲

僕僕亦何濟，勞勞空自憐。風塵仍故我，雨雪迫殘年。恥
習宏羊計，愁吟瘦馬篇。爭如顧文學，終歲守韋編。

題張上舍紹松詩稿後疊再韻

當代張京兆，平生大可憐。一經消壯志，百感萃中年。落
葉添薪句，然其煮豆篇。挑燈閒盥讀，雙淚溼瑤編。

癸卯除夕

去年守歲時，吾母病臥牀。兒媳勸加餐，忽垂淚兩行。謂
今逢除夕，猶稍進羹湯。明年逢除夕，來歆魂渺茫。兒曹
共解慰，母言胡不祥。將息埃春暖，病體當安康。豈知積

兒輩盡移作母殃衙推乏效驗理沙空祈禳哀哉罔極
恩萬一何曾償忽忽歲又除遺像縣北堂簾簾倚毛鬣
果蔬雜酒漿品物雖豐盛一嚮母未嘗追思去歲言哀
痛摧肝腸兒孫互跪拜涕泗紛衣裳又恐嚴親悲哭聲
不敢揚拭淚轉歎容洗腆奉壺觴

石湖晚眺

舍舟登陸墓曳屐過陳灣獨坐澗邊石飽看湖上山雲
扶孤塔直風讓片帆閒何必攜紅袖吹簫此往還

初夏同人小飲

花落如紅雨筵開坐綠陰一枯纔到手萬事已忘心冠

碧螺山館詩鈔

卷二

六

蓋供諸笑乾坤入醉吟莫嫌無伯酒新樂奏青林

艸堂落成顏曰南陔得詩四律

兄弟無端異宅居甯嫌荒頓是吾廬蓬蒿難辨三條徑
風雨深愁一架書度地畧添新瓦石量身敢大舊門閭
牆垣未用繚而固家具移來不滿車

磨輒伐木日喧嗽惱得書生舊業拋百事艱難魚困轍
一年辛苦燕營巢標題終媿顏新額貽贈尤慚累故交
从此秋風任狂暴不愁吹落幾重茅

茶鎗書榻安排定琴薦棋枰位置工向謂自來眠竈北

王公今果住牆東

東鄰王姓

壯懷未振千閒度儒行端立半

晦宮且喜阿連家不遠池塘春草屢常通
薰堂猶記病纏綿一語思量最可憐上築謂兒終有定
安居恐我見無辜容身業已營三窟入地何從慰九泉
但願靈椿長茂好循陔日詠采蘭篇

贈顧參軍

開均

長吟復短吟日坐紫薇陰

著有紫薇花館詩鈔

好客陳無已工詞

許有壬十年遲識面五字早傾心愧我交遊寡唯君結

契深

憶昔登清閣雷連興不窮栢傾銀鑿落琴誼玉玲瓏

琴名玉玲瓏

春色豔磁斗古香薰綺櫳何當賣書籍卜築爾

碧螺山館詩鈔

卷二

七

家東

信宿證盟道院

誰向仙家證夙盟到來心迹喜雙清桐陰覆戶綠無縫
花片打窗紅有聲緩帶輕裘贈叔子

東鄰羊太傅祠

尋章摘句

桃花鴨弔唐六如先生

桃花鴨裏桃花庵桃花庵裏桃花仙

六如先生原句

仙乎仙乎

去不返花開花落空年年仙人昔被羣真忌小謫塵寰

志遊戲優游泉石足怡情得失科名甯介意百本親栽

銷恨花數弓自闢薤薤地於時不乏酒因緣異代長留

詩景致鳴嘯君不聞并有章案宅後有蔣深居豪門池
館紛縈紆一旦冰山照紅日歌臺舞榭皆北墟六如居
士偶栖托名迹終古畱偏隅故知賢達人抗志風塵外
雲霄一羽毛俗網那能害仙館重開夢墨亭青衫席帽
儀容在我來適值桃花時牆頭折得桃花枝一枝敬向
先生奠借花獻佛君休嗤

贈魯茂才 頌

亂書擁白頭獨坐水邊樓手定千秋業心輕萬戶侯題
詩滿牆壁勸酒自譌謳願誦三無論知君別有憂

過故人邨莊

碧螺山館詩鈔 卷二

八

看山兼看水小憩且田家插竹牽瓜蔓分湖種藕花感
君具雞黍泥我語柔麻邨釀敢嫌薄一尊紅日斜

舟過吳江

雨歇風恬浪不驚垂虹橋畔片帆輕半湖蓴菜滑黏鱖
一路藕花香進城近水樓臺明夕照繞隄蘆荻起秋聲
三高祠外重停櫂弔古蒼茫無限情

三高祠

古祠寂寞枕城濠殘碣模餽臥野蒿俎豆一堂三像肅
江湖千古幾人高宦情既爲蓴鱸淡農事何妨耒耨勞
少伯扁舟戀西子英靈未必樂同曹

華嚴寺

問訊弄朝寺登臨艸溲附亂雅槃古塔飢鴿啄荒廚水
石禪心冷風霜佛骨枯巢雲復何處斷碣剔青膚
歸舟書事

解纜城西月未斜一枝柔艣自呶啞蓬窗時有暗香入
風露滿湖開藕花

同李文通登碧螺墩望太湖

土豚高占化城幽閒共詩人豁遠眸黃葉青苔雙徑晚
白蘋紅蓼五湖秋濤聲挾雨來胥口帆影隨雲赴角頭
笑問李侯在塵市登臨有此壯觀不

碧螺山館詩鈔 卷二

九

寒山寺漢銅佛像歌韋茂才 光祿屬賦

寒山鐘樓高摩烟雁堂鹿苑相鉤聯有銅佛像最奇古
鑄造云是吳孫權赤烏十三年奉供篆書凹識分明鑄
考吳是歲正多故紛紛同室操戈鏃太子和廢霸屠戮
焉有餘力崇金仙權也此時年已邁雄略毋乃輪从弄
據有江東一隅地霸圖惟恐難長延投誠善慧仗法力
保護國祚垂千年寶髻珠眉競模範聲教漸啟齊梁先
詎知佛腳抱無益分并定數難回旋大吳刀銘久剝蝕
太初瓦片無完全惟古先生竟無恙劫火不壞金剛堅
貪夫覬覦或捏去合浦終見明珠還竊笑翁王阮朱趙

披羅鐘鼎碑瓦甃惜此座緣十一字獨未摹刊金石編
夕陽詞客真好古作文考證窮言詮繪撫勒石榻萬本
瑤緘郵寄徵詩篇真如妙諦我未解亦勞垂示資青箋
我聞佛目身爲妄惟願利濟普人天際此饑鴻滿郊野
曷不煨鑪青銅錢僻巷窮檐徧賜卹見在功德真無邊
宿碧琳瑯館感賦

一夜疑風雨蕭蕭夢不成誰知數竿竹窗外作秋聲地
喜仍清曠人悲隔死生鐵簫猶挂壁回首淚縱橫

重修徐侯齋先生閣上艸堂落成呈汪都尉

正
青山蔚狀深碧澗繚而曲東筦老遺民韜光此淪伏於

碧螺山館詩鈔

卷二

十

時數名流覲顏登薦牘公獨潛蒿萊闕門謝剝啄冰霜
厲道心薇蕨充飢腹或寫思肖蘭或采淵明鞠三楹舊
艸堂歲久漸傾覆忍令名迹湮鳩工事修築不日輪奐
新尅期瓣香祝招要簪紱聯趨拜冠裳肅吾家雙林巷
春草年年綠誰爲新厥廬兩地仰高躅

顧開均呂益梅詩索和卽次原韻

癡絕平生酷愛梅宋顧禧自號癡絕叟十年辛苦手親栽銅坑一

樞穿雲去玉蕊千株帶雪來翰侶文心多曲折枝隨詩

稿屢刪裁玲瓏仙館排花處不讓崑崙崑炫碧瑰

雅綠難紅媚曉風各翻新樣少雷同資甌檀几安排好

戶筍茁花點綴工綽約佳人來月下聯翩詩客聚堂中
慚余亦有園三畝只解攜鉏種韭蔥

惹得詞林取次吟雲階月地愜幽尋繚華不改冰霜操

綺麗何傷鐵石心功甫堂開如照玉浪仙詩就合鐫金

和作覺阿枯腸我亦頻搜索難和陽春白雪音

尋春猶憶到山遲王辰歲遊元墓梅花已落笠澤風波怯渡時入破

愁聽三弄笛紀遊空賦一囊詩冰姿夜夜縈殘夢瑤簡

年年負故知顧慧生茂才屢招看梅目事不果爭似先生擅清福看花

足不出庭堦

春盡日同沈淵李季弟子桂泛舟興福塘

碧螺山館詩鈔

卷二

七

登堯峯由鳳巢陽至雲莊庵復與慧曙上人遊
憩雲隱山房分體得五排

按厯春將盡尋幽興益豪繁心招近局碧水泛輕舸舵

尾排雙槳沙屑刺一篙蓬開風欵欵艣劃浪沿沿談笑

渾忘遠登臨不憚勞收帆停柳岸曳杖步蘅皋露溼青

苔屨雲黏白苧袍竹泉寒澱雪松陽怒奔濤穿穴旋如

蟻攀厓捷侶猱重重上苔級隱隱聽聽蒲半綠蔭壇邊檜

紅餘洞口桃微潭獅瀆乳峻嶺鶴遺毛山有獅乳泉籬

腳喧黃耳檐牙噪黑尻黝牆牽薜荔翠榻臥蓬蒿賊訝

遊山謝僧迎入社陶檀烟歆綺翫花雨舞蕭騷善慧金